

LARZAN EK PRIVILEZ PE FER ZOT TIRAYE

Dan Lasanble dimoun pe kontinyen kit travay. La dernyen pour ale se ansyen kandida Lalyans Pointe Larue. Riaze in ganny demande pour ale sansan i ti pou ganny fer ale. Si Parti Lepep ki ti'n fer sa, zot ti pou apel viktimizasyon. Sa garson ti pe byen travay zot in al tir li pour promet li later ek lesyel, la i pou get plafon. Me pa sa fran protre deroulman zansla dan LDS.

Dabor i annan de karakter dan nou Lasanble ki sorti dan LDS e toulede pe ranpe deryer ledò kanmarad pour rod kandida pour prosen eleksyon prezidansyel. Patrick pe rod en nouvo kandida pour LDS, tandis ki Wavel in dir napa personn ki pou ranplas li. Premye karakter pe zwe en rol bon boug, tre diplomatik kan saler i parey en boug ki nenport ke ler ki i pou war Parti Lepep dan en pozisyon fay, i pou servi son kouto. Lot pou fer en gro fot pour met Ahmed kandida Lalyans koman son depite, la ki sa pozisyon

pe vin ofisyel, sa kandida pou fer li retourn dan son pikep pour al rod manze torti. Ahmed in montre tou dimoun ki fodre pa souestim son lwayote.

Nou dir, lager, tiraye, fer tou kalite plan bibouk sa ki kler se ki napa okenn eleksyon la, e kan an ler pour eleksyon, tou Seselwa pou elekte Prezidan Danny Faure. I sel dimoun ki pe travay onnetman dan senserite e dan senplisite pour ed lafanmiy Seselwa.

l'n ler pour politisyen aret koz eleksyon e les Seselwa viv an pe. Les fanmiy Seselwa dormi trankil.

LDS in ase servi dimoun pour zot ganny semen pase pour ariv kot kof l'Eta. Sa dernyen eleksyon in montre klerman ki politisyen ki pe voras pouwar pe rod zis zot privelez. Zot pa enterese ek lepep Seselwa, pli move zot siporter.

Zot dan politik pour ganny larzan. Zot ki pe ganny gro saler, pe fer vini gro transpor, e pe promnen lo zil gratwitman- zil ki zot in fatige kritik IDC pour mal antretenir.

Aprè zot ta kritik pa fonde, ozordi ler laverite i get zot anfas, zot felisit IDC e plas order dizef zwazo.

JF I DIR SON DERNYEN 5AN

Seselwa pe war drol ki ozordi zour en boug parey Jean-Francois Ferrari pe koz kont drog, pe dir fodre tir Seselwa ki kapab travay lo welfer, pa soutir Seselwa isi laba. Kan saler JF in fini dir ek son bann koleg ki anvi son laz i pa pou debout ankor.

JF in fini ek zabitan Corgat Estate alor i dir gouvrenman pa soutir zot lo welfer e netwaye tir drog. Son koleg Wavel ti osi kriy a otvwa, ki fodre ki lotorite i target eskobar. Zot in dir a otvwa ki fodre met en lafen ek drog enn-fwa pour tou.

Laplipar dimoun pe reste etonnen ki sa de boug pe koz koumsa kont zot group siporter. I pa nouvel ki dimoun ki trafik e servi drog i toultan vot pour lopoziyon. JF in dir i konnen ki zot pou ganny menase. Alor nou siply bann eskobar ek

bann trafiker, pour pa menas sa bann politisyen. Par kont zot kapab ekspoz bann ki zwe bon boug, akoz nou tou nou konnen ki sat aswar i manz son piti. I annan politisyen dan lopoziyon ki dilerz, ki trafrike, e ki konsonmen.

KONTINYEN SA BON TRAVAY DECO

Hebdo in met en zoli portre Charles De Comarmond lo son premye paz semenn pase e nou dir zot mersi pour sa bon piblisite. Zot in admet ki Deco pe fer en bon travay dan Lasanble. Deco i dir zot menm kanmenm an riyen, e reisi fer zot konpran ki tou dimoun i konnen ki la ki zot an mazorite zot pe zwe bon boug.

Kan saler, tou travay Gouvrenman Parti Lepep ki fer, tou sa ki zot pe propoze, ti'n deza ganny propoze par Parti Lepep. Donn zot bal, zot zis en bann manipilater. Zot pa bann travayer. Zot zis koze zot pa

egzekite. Zot zis donn lord akoz zot kontan sa pozisyon kot zot krwar zot ziz, e ziri. Zot zize e zot pe pas santans. Boul i dan zot kare, zot profite. Me lanatir en zour pour donn tou bann dimoun ki'n travay dir pour sa

pei, ki'n sakrifye zot ek zot fanmiy pour sa pei, sa ki zot merite. Sa bann politisyen ek zot bann kolaborater dan sosyete, ki'n fer en kantite diton pour zot tay deryer zis privelez, zot osi zot pou ganny sa ki zot merite.